

人咸重之惜早卒

晁振瀚字稻莊紀村人光緒己卯科舉人先是元年舉制科廷試得知縣分發貴州幼時恃教讀爲生時回匪擾害鄉村父爲賊執陷之井即請兵追賊以救父賊遁歸家見父猶端坐井中身僅微傷終脫於厄後設帳省垣聞母病歸省值天雨渭水暴漲中流船幾覆乃仰天祝曰我命當喪但願歸見母死亦不恨遂穩濟是夜至家猶得聞母遺命焉

鄭吉慶字祉餘泔河鄭家人光緒乙酉科拔貢生己丑科舉於鄉篤志好學尤以敦實行爲本幼失怙恃事伯母叔父如父母